



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Allocutiones Sacræ, S<sup>v</sup>p<sup>r</sup> Evangelia Dominicarvm totius  
anni**

**Jahoda, Johann**

**Pragæ, [ca. 1659]**

Dominica XVI. post Pentec: Invidus malè videns.

[urn:nbn:de:hbz:466:1-51496](#)

## DOMINICA XVI. POST PENTECOSTEN.

Invidus malè videns.

Observabant eum. Luc. 14.



Strorum coelestium ea, felixne dicam, an milera semper fuit conditio, ut oculis omnium exposita nusquam sine arbitrio movere sese, nusquam sine censore incedere possint.

Serenissimus Princeps siderum Sol, quacunque aureo suo curru vehatur, sive per Eoas, sive per Helperias properet plagas, sive etiam in Australi sibique earillima Domo tantisper meridietur, ubique se comitantes habet oculos, ubique observatur, & aspectatur, quam humilis, quam altus sit; quam brevem; quam longam jaciat umbram; quæ signa, quos gradus transcedat; recedat, an accedat; rubeat, an palleat. Et quamvis ob nimiam lucem citra pupillæ læsionem diu aspici nequeat, excogitavit tamen humana sagacitas specula, tubos, & vitra, per quæ etiam nemini hactenus notas maculas in eo notavit & observavit. Divinissimus Sol Justitiae, splendorque Iucis æternæ Christus, ut primum a summo egressus cœlo exultavit ceugias ad currēdam viam, quot & quales non habuit observatores! Vix dum exortus fuerat, & ecce Magi ac Mathematici ab Oriente ad eum speculandum venerunt: vix inter homines agere cœpit, & continuo omnium ora atque obtutus in se rapuit, sequebatur enim

V.P. Schei-  
ner, in rosa  
ursina.

eum, quacunque ibat multitudo magna Luc. 6. ab omni Iudea & Samaria, & Maritima, & Tyri, & Sidonis, ita ut ne in desertis quidem & inhabitatis locis latere posset. Nullos verò rigidiores sui censores passus est ac Legis Doctores, Scribas & Phariseos, qui non libero & simplice duncaxat oculo, sed geminatis etiam adhibitis perspicilijs in eum ubique intendebant, si forte maculam aliquam vel minimam in ipso expectarentur. Intravit invitatus in domum eiusdem Principis Pharisæorum Sabbatho manducare panem, & ipsi observabant eum, inquit Evangelista. Qualiter observabant? attendentes sedulò ad omnes illius gestus, motus, & verba, num quidpiam diceret aut ficeret, unde animam sumere possent illum cavillandi, & accusandi. At o vipereæ proles, quid in divino sole maculas queris? quid defectum in eo scrutaris, qui testimonio totius populi, omnia bene fecit? Non equidem miror: nam cæci sunt & malevidentes, quorum proprium est in alios esse oculatos, juxta illud Poëtae:

Cum tua pervideas oculis male lippus Horat. l. 1.  
inunctis Sat. 3.  
Cur in amicorum vitis tam cernis a-  
cutum?

Collyrium ad acutæ videndum quærebat

*Laurens.* *bat nonnemo: alter optimè hue va-*  
*va tit. In-* *lere perspicillum invidiæ affirmavit,*  
*vidia.* *nam invidus, inquit, dicitur ab intus vi-*  
*dendo, & nimis videndo, eò quòd eti-*  
*am tenuissima quæque mala in proxi-*  
*mo videat, videt enim festucam in oculo*  
*fratris sui.* Ego tamen contrarium,  
*præsenti allocutione docebo, ostendamque omnem invidum & malitio-*  
*sum malè videre, oculisque laborare.*

*Luc. ii.* Humanæ oculi tanta est præstantia  
 & dignitas, ut eum Christus ipse corporis lucernam appellat: *lucerna corporis*  
*tui est oculus tuus.* Alij *solem;* alijs *da-*  
*cem;* alijs *speculatorum* vocant. Sed  
 uti nullum membrum eo præstantius  
 & venustius; ita nullum tot tamque  
 diversis morbis & affectionibus obnoxiū.  
 Galenus Medicorum Alpha omnino centum duodecim morbos in oculo notavit; alijs 365. è quibus notiores sunt strabismus, *μυωτίασις*,  
 & ophthalmia sive lippitudo. Omnim tamen maximum & perniciosissimum oculi vitium, omnium pessimus morbus est Invidia, nam teste Satyrico sat cæteroqui aliorum observante,

*Invidiâ Siculi non invenere.*  
*Tyranni*  
*Tormentum majus.*

*Fernel.* Si enim oculorum dolores præ ceteris acutiores ipsi censem Medici, quanto-  
*I.* rum tormentorum causa non erit In-  
*Invidiâ est strabus.* vidia, quæ sola & unica omnibus illis æquivaleret? Et primò quemlibet Invidi-  
 dum facit strabum, quia nunquam re-  
*Virgil. E-* cto aspicit obtutu, sed semper trans-  
*ctog. 3.* versatuentibus hirquis. Testatur hoc

ipsum alias Poëta, cùm Invidiam graphicè describens inter cetera ait:

Pallor in ore sedet, macies in corpo-  
 re toto  
*Nusquam recta acies - -*

Ovid. 2.  
*Metam.*

Et patuit in Saule Hebræorum Rege, qui ut primū sibi Davidem prælatum cognovit, inaudivitque illud triumphale carmen occini: *percussit Saul mille, & David decem milia*, extemplo strabismū contraxit; nam ut ait sacer historicus: *non rectis oculis Saul aspicerat David à die illa & deinceps.* Nimirum nihil ita obliquat pupillam ac aliena gloria & prosperitas. Sic de Drance Rutulorum oratore canit Virgilius:

- - quem gloria Turni  
*Obliquâ invidiâ stimulisq. agitabat Aeneid.*  
*amaris.*

Virgil. n.

ut proinde recte dixerit ille, qui roga-  
 tus quomodo invidia caveri posset, re-  
 spondit: si nihil præclarum agas, &  
 nullam obtineas felicitatem; quod i-  
 dem sensit & Thermistocles, cùm eti-  
 amnum adolescentis fatebatur, nihil dū  
 præclari à se factum; nondum enim in-  
 videri sibi. De glorioso illo Ma-  
 cedonum Alexandro scribunt Plutar-  
 chus, Curtius & alijs, naturæ inter alia  
 eum hoc habuisse vitium, quòd trans-  
 verso aspiceret obtutu, cùm capite ef-  
 set non directo, sed in humerum fini-  
 strum inclinante, & sursum aspiciente,  
 ita ut siquem coram se consistentem a-  
 spicere vellet, limis & transversis ocu-  
 lis eum intueri deberet. Sed magis

Val. Max.  
*l. 4.*

cre-

Plut. in  
Alex.

Berna. ser.  
de fallac.

Hesiod. in  
oper. & dis.

Theatr. iō.  
L. vol. I.

II.  
Myops.

credo hoc illi vitium ab Invidia, quām à natura provenisse, tam enim oblique alienam aspiciebat gloriam, ut cūm ei Darius partem regni sui obtulisset, dummodo secū pacificaretur, respondit: cœlum duos soles, & terram duos reges non admittere. Sed & Neptunum identidem orabat, ne quem alium mortalium eò quò ipse classe sua attigerat, transire pateretur, invidens hanc gloriam eriam futuris hominibus. Superbi & invidi, ait Bernardus, sōlos sēsē reputant, soli appetunt reputari. Literatus est? odit socium; pecuniosus? si uidet alterum ditescere, cruciatur; formosus est? da et parem & contabescit.

Quin &

-- mendico protinus invidet alter

Mendicus, Cantor Cantorem lividus  
odit.

Quid quòd repertus sit qui socio altiore furcam invidenter? Narratur enim in theatro vitae humanae, Diophonem quendam, dum crucifigeretur unā cum alijs, valde præ invidia doluisse, quòd alius in cruce altiore, &c in furca eminentiore appendenteret. Ita ne quidem patibularis gloria extra invidiam est.

Jam verò Invidia hominem non tantum strabum, sed & myopem reddit. Myopes vocantur, qui curtum hebetemque habent visum, quem ut acuant, solent oculis prætendere vitrea perspicilla, sive, ut vulgò dicimus ocularia, è quibus alia sunt augmentia, quæ objectum majus ac in se sit, repræsentant; alia minuentia, quæ minuunt. Incidunt & invidi, ut suprà memini,

ubique cum perspicillis, habent suos tubos oticos, habent ocularia, hac tamen differentia, ut in defectibus aliorum observandis utantur *augentibus*, in laudabilibus contrà applicent *minuentia*. Vident in altero levem aliquam imperfectiunculam, protinus, quasi nescio quām grande crimen esset, eam exaggerare, aggravare, & elevare, protinus personam illam omnis speciosæ promotionis & officij indignam, inhabilemque clamitare, imitantes leonem illam *Æsopicum*, qui miserum asellum ob evulsa è rusticorum calceis stramenta peccati gravissimi, ipsiusque adeo mortis reum condemnavit. Contrà si præclarum cuiusquam aspiciant opus; non illi facile superlativis nomini bus & terminis in laudando utuntur; non facile dicunt: pulcherrimè, eleganssime dixit; præclarissime se ges- sit; verùm: *utcunq;*, *sic & sic*, taliter qualiter, commodè, sed non satis judicose, & prudenter, &c. *Omnes mores pessimi*, inquit D. Ambrosius, *erroribus delectantur alienis*, & non solum erroribus, sed etiam ijs, quæ ipsis videntur mala esse, etiamsi non sint. Et quid mirum? namque uti ipsis oculis caligant, tenebrosoque quod Christus ait, sunt corpore; ita omnes alios nigros & obscuros esse putant, instar Harpastes vetulæ illius Senecianæ, quæ cūm myops & semicæca esset, nimias in domo tenebras querebatur..

Amb. I. de  
Noë, c. 30.  
Est & lippitudo maximè proprium, maximeque sensitivum invidis vitium. Hæc juxta Medicos nihil est aliud, quām humorum inflammatio, quæ rubros reddit oculos, & plerumque lacryma-

III.  
Lippus.

*Gen. 37.* crymarum fluxum causat. Et qui magis oculis rubent, qui magis ardent, bonisque alienis inflammantur ac Invidi? Habemus hujus rei luculentum exemplum in Josephi fratribus, qui quod eum Patri suo magis charum & insuper tunicā polymitā, hoc est, elegantiū quam se vestitum viderent, in quale non odium contra illum exarserunt, ut parum absuerit, quin omnino interficerent. Sed à matre lippa, quis nisi lippas expectet proles? plerique enim

animis, statim accrebit livor, ut ibi animadvertisit Lyranus. Nonne pusillanimis, nonne puer videri poterat virilis aliás Romanæ militia Imperator C. Metellus, quando intelligens provinciam Numidiam Mario æmulo suo datam, *supra bonum honestumq; perculsus, neque lacrymas tenere, neq; moderari linguam vitus est?* Similiter Angeli dum in altissimo gratia statu manebant, invidebant nemini. *Quomodo namque rationi consonum est, querit*

*Salust. Lu-  
gurth.*

*Chrysostomus. Angelum incorporeum. Chrys hō. 12  
& in tali dignitate constitutum homini in-  
videre corpore circumacto?* Sed simul

*in Gen.*

ubi à superna gloria in extremam ignominiam dejectus est, invidit. Diabolum

*Cassian.*

*aul. S. 10. 3.*

*p. 2. exempl.*

*12.*

egregie expressit Theophilus Imperator, qui in extremis jam positus, supra omnes corporis dolores magis oculis urebatur, quod se mortuo Theo-

phobus, quem ex mera invidia in carcere conjecerat, superstes futurus esset. Quare cum hoc ei invideret, ad lectulum suum fatalem Theophobi caput deferri jussit, quod semimortua manu prensans, & cum gaudio contemplans dixit: ego non ero posthac Theophilus; nec tu Theophobus. Atque hoc solatio ad flamas ruit semper, ubi omnes lippiant, nam continuus istuc oculorum fluxus, continuus fletus & stridor dentium.

Quid itaque Inido turpius, qui tot tamque gravibus oculi laborat defectibus? Ut enim pulchritudo, ita & deformitas ex oculis vel maximè astinatur. Fuit Romæ celeberrimus Pictor, qui ut pro Summo Pontifice Joanne XXII. Invidiam vivis & colubrinis coloribus depin-

*Gen. 29. 17.* Liæ erant filij, de qua scriptura ait: *Lia lippis erat oculis.* Sic etiam Caligula referente Svetonio necavit Ptolemaeum Regis Jubæ fratrem, solum ex invidia honoris ob unam vestem affecuti, quod nimirum fulgore vestis purpureæ conspicuus, totius populi in se converterit oculos, cum theatrum, in quo Caligula edebat spectacula, ingredetur. Invidiam ejusmodi puerilem meritò nonnemo appellat: pueris enim familiare est pulchras vestes alijs sibi aquilibus invidere; hinc si alter fratum comptius incedat, alter continuo præ invidia irasci, vociferari, plorare, fluxuque oculorum laborare. Imò parvulum planè occidit invidia, inquit Hulsaeus vates; vel, ut legit D. Thomas,

*Aristo. 1.9. pusillanimem.* Et Aristoteles docet, eos hisp. anim. qui pusillo sunt animo, nauciisque homunciones magis ceteris invidiâ laborare, sicut planetæ inferiores superioribus lucem admunt, non autem viceversâ. Romanis quamdiu magnanimitate reliquis populis superiores eminebant, dabatur hoc vel ab ipsa sacra-

*i. Mach. 8. pagina elogium: non est invidia, neque 16. Zelus inter eos: at decrescentibus eorum*

*Chrys. hom.* depingeret, integrōs triginta annos absumpſit. Nec miror: nam ipso etiam Diabolo monströsior est, Chryſoſtomo rurſum teste: quippe *Satan invides*; sed hominibus, ſocio autem nemini; in verò homo cùm ſis, hominib⁹ invides. At vos AA. ſtudete oculos vobis ita pueros & sanos conſervare, ne in eis quidquam livoris aut ruboris appareaſt; Auguſtum imitati, cui tam lucidi feruntur fuisse oculi, ut in quos paulo attentiūs eos defixiſſet, tanquam ad ſolis fulgorem connivere cogēret. Vel

*Sueton.*

*Mariuſ. I.*  
S. C. L.

potius pium illum Religiosum Bernarduſ de Quintavalle, B. Francisci olim ſocium; à cuius oculis veluti dua-

bus lucidissimis ſtellis miri splendoris radios promicare vidit Leo frater, divinitusque accepit ipsum ideo fulgentes habere oculos, quod neminem unquam intuitus fuerit, quem ſe meliorem non judicaret, aut cui aliquid invidiceret. Tales oculi Dei cor vulnerant, & sagittant, quia *Deus obri- t. Ioh. 4.16.*  
*tas est, & qui manet in charitate, in Deo manet.* E contrario autem lividi & nequam cum strigibus infernalibus torquebuntur, imo jam nunc torquen- tur; nam *dura ſicut infer- Cant. 8.*  
*nus amula- tio.*  
— 8 — 30



DOMI-